

呈為採訪台共錄文獻事。請分類彙刊。仰祈

鑒核轉送事。案奉

鈞長第八六零號到令開。案准



貴州續修通志局函開。逕啟者。黔中舊志。失修既久。文獻闕卷。通去歷史事蹟。徵考垂易。端賴合省官紳。相助為理。本局現今擬定採訪條例。刊發各縣。函令各就縣公署內。附設採訪處。由各縣知事主任。召集學識較優之員紳。以及見聞較確之耆老。每日限定時間會集。凡屬應行採訪事項。按照條例所列。逐條登載。尤須精確詳盡。不得塗抹塞責。更不得以無從稽考等字樣。空文填入。條辦所載。應據實錄。絕不得稍有遁避等由。為知照。辦在案。仰貴公署前訂本局簡章。以各縣知事為徵集員。責任既膺。考成斯繫。應請將本局徵集事項。列入各縣考績。如其視為具文。及任意延擱。

當當本局函請懲戒。倘能盡心採訪。纖悉靡遺。彰顯闡幽。厥功亦偉。亦當由局函請給予獎勵。果能羣策羣力。庶可樂觀厥成。無任組合之至。合將採訪條例函送查照。即希通飭各縣遵照。毋由准此。除函覆外。合行令仰該縣遵照。即便督飭各員紳。按照條例悉心徵集。造冊分類填載。三個月呈報一次。以憑送局彙編。事關全省文獻。自應列入各縣考績。以專責成。該縣勿得視為具文。稍涉敷衍。致干咎戾。再此項條例。既由本局自行刊發各縣。不片印發。合併令知。仍將通辦情形。彙查切切此令。等因奉此。茲屬彙報日期。如蒙遵辦。將縣屬採訪員紳。按照條例採訪所得事蹟。分類造冊。具文呈候。

鈞長查該送局彙編。謹呈

貴州省長劉

民國八年十二月

日台拱縣知事丁尚圖



台拱縣文獻徵集採訪職員

徵集

台拱縣知事 七等 嘉禾 章丁尚 國報

編纂

台拱縣公署 第一科 科長劉增禮 兼

採訪

台拱縣勸學所 所長陳嘉霖 兩三

台拱縣高等小學校 校長徐培蔭 少堂

台拱縣高等小學校 教員張上林 台拱

台拱縣高等小學校 教員王文錦 銅農

台拱縣國防總局 總理朱學昆 金蘭

台拱縣東區國防協理王用一 錫三

台拱縣文獻紀要

五

台拱縣國防總局 協理歐陽乾 乾

台拱縣中區國防協理李成忠 義山

台拱縣屬清溪 貢生吳宗彞 德勝

台拱縣屬清溪 附生李光文 鳳山

繕校

台拱縣公署 事務員徐培英 後侯

台拱縣公署 監印員田文謨 子

台拱縣採訪文獻

凡例


一調查職官宦蹟鄉賢列女及兵事應截至宣統三年為止其餘各門無論前清民國均應切實調查

一採訪所得照後標各日類各為篇以便分門編纂

一採訪所得三個月送核一次以一年為採訪完畢期間

台拱縣在省城東南四百二十里。鎮遠南一百二十里。東界劍河縣屬烏亮寨四十三里。南界丹江縣屬排羊場三十里。西界鎮山縣屬錄廠寨六十里。北界施東縣屬沙灣寨六十里。東南界劍河縣屬松衣寨九十里。西南界丹江縣屬岩寨四十里。東北界施東縣屬平北場五十里。西北界黃平縣屬火燒寨六十里。廣約一百一十里。袤約一百零五里。面積共一萬一千五百五十方里。

圖中村寨。係擇緊要地方。與任戶較多者載入。其餘村寨尚多。未能盡載。右圖每一方格為十里。以■為縣城。以∩為山脈。以~為水道。以●為村寨。以∟為關隘。以○為分區。以○為縣界。合併說明。



印水縣

鎮遠縣

東施縣

縣

黃平縣

劍

東

中

西

區

河

南

區

雷公山

鑪山縣

縣

縣

丹

查縣屬羣山之大勢其脈來自丹江屬之雷公山支幹錯綜跬步皆山。由南區之紅寨過懷化堡迤北為台雄山經繞縣城之西南至南茅寨曰馬溜坡岡阜蜿蜒由西區格峯出鐘山縣境

臺雄山在縣城西南十五里昔生苗盤踞山徑峭仄至今道路開闢可通行旅

由南區之交密番招弄寨迤北為蓮花壘台拱之正峯也在縣城東南三十里高二里許廣倍之四面皆深菁雍正十年高坡苗變結羊達交汪烏聯交烏聯南等寨生苗與九股苗合築土城於蓮花壘擁苗酋白黨為主抗拒官兵提督哈元生督兵破之嗣於壘上設番招汛今廢因其地山峯環拱宛

台拱縣文獻紀要

六

若蓮瓣故名

蓮花壘分為二支迤東曰涼亭嶺岡陵起伏迤苗江革東展駕等寨出劍河縣境

迤西曰頭台塘曰二台塘曰香龍塘又西有危峯高峙於羣山之外者曰平巒坡又西北曰烏漏塘曰排畧塘曰貓貓坡蜿蜒不絕出勝東分縣境

平巒坡在縣城北五里得勝關之上山勢險峻蜿蜒九里俗名九里十三灣昔生苗蟻聚抗命雍正十一年提督哈元生討平之駐兵於此因以名坡至今廢壘遺址尚存

又有支脈由施秉入縣屬北區曰高大山綿亘於西北兩區平衍無峯由錄廠出鐘山縣境

台拱水道有清水江。巴拉河。石灰河。諸水。

清水江。其源來自都勻縣東北山澗中。經麻哈。鐘山。黃平。施秉等縣界。由施秉之銅鼓塘。東北流十里。入縣屬北區之舊舟。又二十里至施洞。又八里至巴拉河。有小江水。從丹江之黃茅嶺。流一百三十里。西南來入之。又北十里。折流施秉縣屬之平兆場。又北三十里。復入縣屬東區之五岔寨。華東。又東北十里至展駕寨。又東五里。流入劍河縣之長灘。下達湖南黔陽縣。匯於沅水。

巴拉河。其上源有二。一曰護城河。一曰小江。

護城河。源出於丹江雷公山之南。北流六十里。入縣屬南區懷化堡。又北三十里。經繞縣城。折向西流。四里至梅影桃

台拱縣文獻紀要

七

湘等寨。又西流五十里。至北區報效。與小江會合。

小江。源出於丹江雷公山之黃茅嶺。由丹江之排峯堡。東北流六十里。入縣屬西區之格卷台盤寨。又東北三十里。至北區報效。與護城河合。二水匯流後。名曰巴拉河。紆曲北流。四十里。入於清水江。

石灰河。發源於雷公山之牛皮箐。由丹江縣之番牆。東北流十里。入縣屬南區之交密。又東二十里。至南宮。又東十里。至巖板寨。又八里。入劍河縣之南哨河。與清水江合流。

清雍正十一年題建石城。咸豐六年。苗匪掃地王傑九之亂。毀於兵。同治十二年。同知席殿梯重修。築以石。週圍九百四十二丈。高一丈五尺。門四。城樓四。礮台九。水關二。背倚崇山。面臨小河。勢傾斜。作橢圓形。民國三年改廳設縣。遂為縣城。居民四百九十四家。

同知署。在縣城西街。清雍正十二年建。咸豐六年苗匪掃地王傑元之亂燬於兵。同治十二年。同知席殿梯重修。光緒二十五年。同知呂樹勳改修。民國三年改廳為縣。遂為縣署。

台拱營參將署。在縣城西街。清乾隆二年建。咸豐六年燬於兵。同治十二年參將古大儒重修。民國二年裁廢綠營。知事彭承先呈准改建孔子廟。尚未興工。

左軍守備署。在縣城西街。清乾隆二年建。咸豐六年燬於兵。遂廢。

右軍守備署。在縣城東街。清乾隆二年建。咸豐六年燬於兵。遂廢。民國六年知事丁尚國開作高等小學校講堂操場。

台拱縣文獻紀要

九

衛千總署。在縣城西街。清乾隆二年建。咸豐六年燬於兵。同治十二年參將古大儒重修。民國七年知事丁尚國改設桑區事務所。

勸學所。在縣城內文昌宮宣統元年同知胡瀛濤設。

國防總局。在縣城中街關岳廟內。民國二年知事彭承先設。地方經費局。在縣署西花廳。民國五年知事談文熙設。

桑區事務所。在縣城西街。民國七年知事丁尚國以衛千總舊署改設。

得勝關 在城北四里。山高路狹羊腸一線。由縣入鎮。連要道。路平。延亘九里。盤曲一十三灣。逆苗梗化。蟻聚負隅。恃為天險。雍正十一年。提督哈元生。督兵勦苗。於此報捷。故名。

太平橋 在縣城南門外護城河上。由縣進省大道。乾嘉以來。設舟濟渡。道光八年。同知劉紹瑄。捐建木橋。長十八丈。道光二十六年。水溢橋圯。同知邵鴻儒。陳毓書。楊承照。先後修葺。光緒二十年。同知張濟輝重修。覆以瓦房。十七間。更名為萬壽橋。以是年為慈禧太后六旬萬壽。故名。劉紹瑄。楊承照建有碑記。

巴拉河渡 在城北五十里。為連鎮遠孔道。清光緒四年。同

台拱縣文獻紀要

十

知李道本。酌撥公田設船濟渡。

偏寨全恩渡 在城北五十五里。由縣至勝東分縣要道。清光緒四年。同知李道本。酌撥公田設船濟渡。

施硎口渡 在城北六十里。為連鎮遠孔道。清光緒四年。同知李道本。酌撥公田設船濟渡。

台盤普濟渡 在城西十里。為連鎮山縣要道。清光緒四年。同知李道本。酌撥公田設船濟渡。

白水渡 在城北四十五里。為連黃平縣要道。清光緒四年。同知李道本。酌撥公田設船濟渡。

南哨渡 在城北八十里。為連施秉縣孔道。清光緒四年。同知李道本。酌撥公田設船濟渡。

壇廟祠宇寺觀

關聖廟 在縣城內中街。正殿及兩廡房屋共十八間。基址前後各寬五丈。深十二丈。前清同治十二年。恭獻古大儒捐建。光緒十一年。同知李兆奎重修。民國三年。知事許承先改爲關岳廟。

文昌宮 在縣城內南隅。殿閣及兩廡房屋共十三間。基址前後各寬四丈。深八丈。清光緒十八年。同知周慶芝捐建。燕王廟 在縣城後街。殿宇三間。寬三丈。深十丈。清光緒二十一年。總辦蔣祖林等捐建。

火神廟 在縣城內後街。殿宇三間。寬三丈。深十丈。清光緒二十一年。總辦蔣祖林等捐建。

昭忠祠 在縣城內西南隅。殿宇房廡共十四間。前後各寬五丈。深十四丈。清同治十二年。同知席啟昂建祀陣亡殉難官紳軍民。

台拱縣文獻紀要

十一

雙忠祠 在縣署後山右旁。殿宇一間。基址前後各寬一丈五尺。深二丈。清宣統元年。同知胡瀛濤。恭將劉勇建祀成。豐而長年。殉難同知鄧鴻儒。參將雷忠。

東嶽廟 在縣城內南門。殿宇三間。基址前後各寬四丈。深六丈。清光緒二十年。紳民張義和等捐建。

城隍廟 在縣城南門。殿宇房廡共二十一間。基址前後寬各五丈。深十四丈。清同治八年。紳民李普等捐建。

觀音寺 在縣城內南門。殿宇房廡共十二間。基址前後各寬五丈。深十二丈。清同治十年。紳民李普等捐建。

關聖宮 在縣屬北區施祠口。殿宇廡房共十四間。基址前

後各寬四丈八尺深九丈七尺。清光緒二年。提督龔繼昌

蘇元春創修。

光緒五年補用道石燕山重修。

楚軍忠義祠

在縣屬北區施洞口。殿宇廂廊共二十七間。

基址前後各寬七丈

深十五丈。清光緒元年。提督龔繼昌

蘇元春創修。

文昌閣 在縣屬北區施洞口。光緒元年。總領歐祿勳建修。

光緒三十三年。周光祿重修。

市集村寨

中區

在皮寨姓戶

台洪寨姓戶

胡等寨姓戶

南農寨

梅影寨姓戶

桃元寨

桃湖寨姓戶

浮萍寨

南茅寨姓戶

交昆寨姓戶

李子寨

黃芳寨

登標寨姓戶

番龍寨姓戶

展夏寨

楊汪寨

排下寨

巫孟溝

烏溝塘姓戶

翁源寨

排畧塘姓戶

翁環寨

排免寨

巫克寨

巫相寨

翁環寨

展鵝寨

南冬寨姓戶

巫隆寨

交龍寨

交研寨

展蕩寨

皆汪寨

報喜寨

翁甲寨

岩衝

排柳寨

岩貓坪

雷打坡

兩開寨

台拱縣之獻紀要

十三

報恩寨

排湯寨

番茅寨姓戶

桃香寨

展戎寨

南喜寨

排汪寨

展董寨

展福寨

大槐堡姓戶

東區

車東場姓戶

稿午寨

德豐堡

車東寨姓戶

展駕寨姓戶

內寨姓戶

空舟

交流寨

苗江寨姓戶

養門寨

社密寨

羊遠塘

麻栗山姓戶

報角寨

在帝寨

响汪寨

巖寨

北辰寨

巫門寨

連老寨

川洞寨

交榜寨

八郎寨姓戶

南萬寨

百善寨

辣子寨

東湖寨

新姑寨

廿龍寨

鳴條寨

寶貢堡姓戶

五岔寨姓戶

方家寨

五背寨

排波寨

牙忙寨

皆到寨

交架寨

新巴寨

汪茂寨

鷄甲寨

香招塢

覃膏堡

桐木寨

番排寨

交汪寨

南香寨

五脚交

五脚寨

東龍寨

交渡寨

排條寨

南區

南市塘

來同堡

懷化堡

新寨

白水洞

龍江坡

新水寨

泗柳寨

烏龜箐

翁婿寨

展皆寨

排代寨

翁西寨

掌照寨

計刀寨

營上寨

交向寨

翁多寨

春湖寨

筋過寨

文工寨

江江寨

南宮寨

五棵寨

台拱縣文獻紀要

四登寨

交密寨

烏密寨

烏忙寨

黨蓮寨

交吓寨

白桃寨

交納寨

排邦寨

掌耶寨

新邊寨

掌皆立

大田角

東老寨

烏細寨

松照寨

嚴板寨

養蒿寨

松衣寨

展吾寨

巫平寨

掌皆刺

交牛寨

五梭寨

南牛寨

松扛寨

掌風寨

交包寨

長包寨

石灰河

西區

南九寨

台盤塢

永安堡

交江寨

空坵

忙鍋寨

格卷寨

龍塘

廠

翁九寨

南江寨

皆龍寨

排額寨

白豆寨

養角寨

箕鼓寨

水牛寨

殺羊寨

南堯寨

棉花坪

文倉寨

巫棕寨

北區

施洞口

報鼓場

琪場

巖寨

楓香寨

羊空寨

貓豹坡

巴拉河

楊家寨

石家寨

偏寨

塘龍

下壩場

芳寨

柏枝坪

天堂寨

壘扛寨

大冲

八梗寨

舊舟

棠蔭堡

老毛空

平敏

平陽

展壁

南開溝

辣子寨

白土寨

革色寨

慶博堡

岑才寨

崇山

台拱縣之獻紀要

十五

孔山

帽金寨

巖脚寨

老空寨

稿仰寨

長灘寨

南七寨

岑邦寨

陽西寨

羊殺南

鷄蛋寨

養甘密

報棉花坪

翁扛寨

羊條寨

噶才寨

南醬寨

掌帆寨

養岡萬寨

斬耶寨

台水寨

排生寨

養開寨

景達寨

確窩寨

黃泡寨

養喜寨

岑壘

振邦寨

北棉花坪

桂栽寨

李子寨

青桐寨

壘阴

高大山

平賈

茅草坪

西南寨

南哨寨

山丙

天塘

左當寨

羊肝古

桃樹塆

白方寨

棉花坪

汪飛寨

交巫寨

拉頭寨

望

坪

姓戶

太平

坳

姓戶

台拱縣之獻紀要

十六

台拱營參將一員原設鎮清乾隆二年改鎮移駐補道設春汛
守備二員。

千總四員分防二員

把總八員分防一員

制兵一千四百名內分馬戰兵一百四十名步戰兵五百六十
十名守兵七百名。

分防稿貢汛千總一員兵一百二十一員。

分防羊東汛千總一員兵一百五十一員。

分防番拉汛把總一員兵一百三十一員。

分防白雄汛兵五十一員。

分防舊營汛兵五十一員。

台拱縣文獻紀要

存駐台拱營參將一員守備二員千總二員把總七員兵八
百九十五名以上見舊志嘉道以來因仍舊制光緒二年戡定苗亂
僅規復馬步戰兵二百四十名守兵四百八十名光緒五年
裁馬步戰兵二百四十名改編練軍駐紮北區報效光緒七
年裁守兵一百二十名光緒十年裁守兵四十四名僅存三
百一十六名光緒二十六年裁撤練軍民國二年裁撤守兵
綠營兵制遂廢。

台拱衛千總一員設屯堡十有二屯兵一千零三十九戶清
光緒三十二年裁衛千總民國四年清丈屯田分別變價出
售屯制遂廢。

驛站

台拱驛處苗疆向無驛站前清光緒三十三年僅於縣城及施洞口各設郵政代辦所。

台拱昔為生苗巢穴。相傳漢武鄉侯南征。殺其種殆盡。餘九人。慈蔓蕃衍。分為九。因名九股苗。近丹江者曰上九股。近施東者曰下九股。寨密人稱。土疏性悍。明時結連播州楊應龍為寇。肆焚掠。故石硯一帶。上通重安。達都勻。下出錦屏。通黔陽。舟楫往來。雖設游溪為便。而佳客帆檣不至焉。地勢險峻。叛服靡常。順康以前。羈縻而已。雍正四年。噶條香隴等寨出剽施東。六年。總督鄂爾泰清理苗疆。越明年。八寨丹江清江古州以次平定。遂委鎮遠協副將張禹護。鎮遠府知府方顯。領兵平九股苗。拔台拱。六威所懾。皆俯首聽命。於是清戶以編保甲。議於台拱建城。設兵以資鎮撫。十年八月。城工方興。而九股生苗叛。傳遍木刻。殺平警衆。上九股三十寨。下九

台拱縣文獻紀要

十九

股四十寨。高坡三十餘寨。皆附焉。惟在滾台拱。稿貢三寨不從。九月初六日。各寨苗俱集。殺通事郭英。毆王勝等。及商民數十人。遂犯排畧大營。方逆苗之圍營也。守兵僅二百人。軍糧僅足支二十日。各路援兵未集。苗圍攻三日。官兵奮力防禦。至有勝負。守備高本陽。千總蘇成鳳。黃招賢。把總徐三錫。唐起鳳。劉鳳林。外委張璧均先後戰死。平越營遊擊羅資。張大定。協副將楊護。督運軍糧接濟。亦遇伏陣亡。賊勢愈張。十二月。提督哈元生奉命進剿。調湖南兵二千。廣西兵一千八百。先後俱集。元生偵知賊匿高坡。十一年三月。分六路進攻。搜勦各寨。斬獲無算。九股各苗。皆面縛赴營投誠。五月。建城設官。移清江同知駐台拱。移台拱通判。駐清江。均隸鎮遠府。又設土千總三。曰南市。曰高坡。曰番招。土把總五。曰烏漏。曰趙

架曰番隴曰龍塘曰容山以控制之。雍正十三年二月苗賊包利等復叛。聚衆數千。圍攻台拱之番招。排札白雄。禍貫羊東。五岔。稿武。岑。拜。台。盤。打。羊。泗。柳。八。梗。舊。舟。番。扛。等。寨。大肆燒殺。官軍屢失利。乾隆元年。經畧張廣泗督兵搜勦。由是台拱生苗。以次悉平。以上見乾隆年通志。

雍正十一年。提督哈元生。討平九服生苗。由是建城設官。苗
種底定。乾嘉以還。休養生息。民生百年。不見干戈。乃承平日
久。文酣武嬉。迄咸豐初年。而苗變作矣。湖台拱之聲亂也。因
苗糧定例。永免徵收。只額徵台拱黃施兩衛屯米一千零九
十九石。歲納廳倉。藉供拱台營兵糧。雖時全營兵糧。每年應
支米二千七百九十石八斗。除以兩衛屯米供支外。尚短一
千六百石有奇。每年由施秉縣執運米三百石。鎮遠縣執運
米一百三十一石二斗。不敷之數。在本地採買。以供軍食。上
米一斗。給紅銀一錢六分。其價係由糧道衙門請領。至咸豐
初年。日久弊生。只責苗民照常納米。不給價銀。咸豐三年。同
知張禮度。不收白米。勒折生銀提押進征。獄為之滿。南區高

台拱縣之獻紀要

二十一

坡苗寨。素號貧瘠。因迫呼急迫。無力繳銀。有自掘祖墳。取先
人含殮首飾。以折價者。亂機四伏。民不聊生。時有容山寨苗
民。裸九。自號為掃地王。乘機煽惑。於咸豐五年乙卯三月十
六日。聚眾數千。攻圍縣城。十七日。分股燒殺。排畧墟。實責堡
等處。圍首歐有富。歐有責。卞應責。王宗友等。調集附郭十三
寨圍丁。協同官兵。內外夾攻。三月十九日。斃賊百有餘名。生
擒掃地王。裸九。天明王。皆往。西王。公。吾。及黨魁七合。禔。種等。
鎮遠清江援兵。先後亦至。賊稍却。未幾。援師退。賊糾合大股。
復叛。勢甚張。五月。燒劫。參。影。寨。排。揚。場。七月。攻。臨。革。東。堡。台。
雄。汛。官。兵。失。利。哨。長。潘。樂。堯。熊。尾。條。死。之。兵。民。死。事。者。頗。衆。
城中戒嚴。遂調附郭圍兵。分紮四門。保護城垣。東門圍兵。以
圍首卞應責。王宗友。領之。南門圍兵。以圍首張學仲。張送養。

領之。西門圍兵。以圍首李文富。李開貴領之。北門圍兵。以圍首歐有富。歐有貴領之。千總歐有發。把總李青。總辦四門防務。公幫告匱。自備資糧。軍民一氣。共保危城。六年丙辰二月。同知張禮度。赴鎮遠乞援。沿途接戰。行至寶貴。與清江通判韓廷。援師夾逼。因於賊行旅。潯東黃恬志。遂遇害。同知邵鴻儒繼任。時縣城空虛。兵單餉絀。困守一年。又六月。陣亡。及賊斃者無算。城中人民。食草根樹皮。以充飢。糧盡援絕。賊攻愈急。歲豐六年丙辰八月二十七日。城陷。同知邵鴻儒。素得民心。賊至。不忍加害。公罵賊不厲。遂自刎。其妻張氏。並女一。同時殉節。袁丁李并。徐貴揚。貴亦並死於難。參將富忠。率其長子。手刃數賊。力不能支。父子均投板場。左側水并殉節。其妻一。及幼子二。女二。婢一。並死於難。守備王友麟。其妻潘氏。並

台拱縣文獻紀要

長子長鴻。衛千總梁永年。其妻及其兄弟二人。均同時死焉。其時力戰死節者。有千總宋邦英。把總劉勝邦。姚國華。外委周四。陳熙。譚孝治。林。五千總楊廷瑞。周鈞。瑞。趙必貴。王把總梁宗。祿。張青。李。王勝。祿。吳秉乾。三目張鵬飛。團首歐有富。歐有貴。諸人。官軍紳民。陣亡殉難者。屍積如山。賊入城。燒燬衙署。及民房殆盡。並撤毀城垣。只餘石基尺許。四鄉皆係賊巢。維時清黃龍貴一帶。皆為賊踞。省中消息隔絕。文報不通。十一年間。無一官一兵。至台拱者。施嗣。苗首張秀。送分股出擾。靖州沅州等處。革夷苗首。抱大肚。九大白楊。大六等。分股出擾。松桃。銅仁等處。燒殺淫掠。勢頗洶洶。同治五年三月。布政使席寶田。率湘軍奉命援剿。疏為六十營。鄧星階。帶精拔營。由清溪入鎮遠。為一路。李光燦。帶銳字營。從黔陽。連劍河。為

一路及盤帶靖宇營。延靖州遇黎平。為一路。席寶田自帶精
毅全軍。駐紮印水。以資策應。六年提督蘇元春。襲繼昌。攻破
寨頭。已野梁上等處。賊屢提督崇為善。唐本朋。攻破松柏洞。
抱全等處。賊黨。七年榮為善。協同精銳營鄧星階。鄧泗宗。從
金堡過鎮遠。收復水洞。廖洞。勝更苗寨。席寶田。親率全軍。由
貴州貴介。直追金鐘山。以攻施洞。緣施洞為賊酋所踞。聚也。
八年正月。攻施洞苗匪。拔之。俘斬逾萬人。遂進克內寨。北辰
軍東展架烏門五岔寶貢等寨。三月委士紳李壽。王中。在
五岔辦理台拱東區善後事宜。縣城旦夕可下。但苗寨數百。
草夷最悍。乃督兵攻草夷。先取其營寨。夜薄之。皆潰。遂破草
夷。縱火燒左右諸寨。略盡。五月進勦貓狗坡。賴場。排岩。塘番
等。棘子寨等處。屢戰皆捷。斬首數千級。數月之間。大小兩江
苗寨悉平。苗酋張秀迷。退居雷公山。八年十月。克復縣城。詔
賞席寶田頭品頂戴。十年五月。搜勦番招高坡一帶。大軍薄
雷公山。席寶田親執將。督戰。斬首千餘級。苗酋張秀迷等
遁免。時方賊器。寶田選軍施洞。留提督龔繼高。蘇元春。唐本
有。謝蘭階。督攻之。十一年各省。撥兵雲集。滇軍由都勻。獨山
進攻。粵軍由古州上江進攻。協同湘軍。包圍雷公山。搜勦賊
巢。四月攻破牛皮箐。黃福巖。五。鴉波等處。擒獲賊首張秀迷。
姜老松。潘帽。項楊。大。六。四名。解赴長沙。軍營正法。台拱逆平。
詔賞席寶田騎都尉世職。餘各敘功賜階。有差。

台拱義倉係前清光緒五年同知周慶芝奉文通飭城鄉五區漢苗軍民先後捐備穀壹萬零玖百餘拾京石每石實重玖拾陸觔分儲於城鄉村寨委倉正倉副各一人管理每年夏放秋收遵章二分行息藉資彌補折耗修整倉廩及倉正副大倉筆墨公用計中區縣城內義倉九間積穀貳千陸百玖拾柒石東區東郎寨義倉一間積穀貳百零肆石交架寨義倉二間積穀叁百叁拾陸石肆斗番招寨義倉五間積穀壹千貳百零壹石苗江寨義倉三間積穀壹百壹拾陸石五岔寨義倉二間積穀壹百柒拾捌石內寨義倉三間積穀壹百柒拾壹石川洞寨義倉一間積穀叁百叁拾捌石叁斗稿午寨義倉二間積穀貳百伍拾石南區新寨義倉三間積穀貳百零叁石汪江寨義倉五間積穀壹千伍百石西區台盤寨義倉三間積穀陸百伍拾捌石叁斗水牛寨義倉三間積穀壹百柒拾壹石北區施洞口義倉五間積穀壹千陸百玖拾壹石黃袍寨義倉五間積穀捌百伍拾石零捌斗報勅寨義倉三間積穀叁百肆拾石

台拱縣文獻紀要

職官

台拱廳同知 嘉道以前之缺無幾後因以獲探訪所得者以年祀著

劉紹瑄 湖南人進士 道光八年任

邵鴻儒 浙江餘姚縣人 光緒二十七年任

陳錦書 浙江紹興府人 道光三十年任

楊永照 江蘇江都縣人 咸豐九年任

張禮度 籍貫未詳 咸豐三年任

邵鴻儒 浙江餘姚縣人 光緒五年任

馮燮坤 籍貫未詳

劉侶鶴 籍貫未詳

唐日華 籍貫未詳

林天培 籍貫未詳

趙連霄 籍貫未詳 同治七年任

范崇禮 籍貫未詳

席啟悌 湖南安縣人 監生 同治九年任

區維藩 廣東人 附生 光緒三年任

李道本 湖南新寧縣人 監生 光緒五年任

周慶芝 湖南湘潭縣人 監生 光緒四年任

李興本 湖南永順府人 拔貢 光緒七年任

胡文昕 湖南湘潭縣人 監生 光緒七年任

金為巖 浙江人 監生 光緒八年任

周慶芝 湖南湘潭縣人 監生 光緒九年任

台拱縣文獻紀要

二十五

李兆奎 四川人 附生 光緒十年任

梁悅孔 湖南寶慶府人 附生 光緒十一年任

楊志泉 湖南人 監生 光緒十三年任

李上珍 雲南昆明縣人 舉人 光緒十四年任

周慶芝 湖南湘潭縣人 監生 光緒十六年任

張濟輝 四川茶江縣人 拔貢 光緒二十年任

袁慶元 湖南寶慶府人 附生 光緒二十一年任

齊綬祺 湖南湘潭縣人 監生 光緒二十二年任

羅卿雲 湖南永順府人 舉人 光緒二十三年任

譚瑤林 湖南辰溪縣人 光緒二十四年任

周振璋 湖南人 附生 光緒二十四年任

呂樹勳 雲南鶴慶縣人 監生 光緒二十五年任

唐汝霖 湖南永州府人 監生 光緒二十七年任

冉煥章 四川人 附生 光緒二十八年任

張 燧 湖北蕪水縣人 附生 光緒三十年任

何大昕 湖南人 監生 光緒三十一年任

施錫恩 浙江人 監生 光緒三十二年任

胡瀛濤 四川新都縣人 庶常 光緒三十三年任

嚴澤龍 四川慶符縣人 庶貢 宣統元年任

汪蔭蓀 浙江人 監生 宣統二年任

台拱營參將

富 忠 滿州人 侍衛 咸豐五年任

古大儒 廣東嘉應州人 行伍 同治十一年任

龔盛祿

湖南武岡人行伍
光緒元年任

劉世旺

湖南永州府人行伍
光緒二年任

李榮春

福建人行伍
光緒三年任

劉紹烈

雲南昆明縣人行伍
光緒四年任

鄒品武

湖南人行伍
光緒九年任

王國楨

貴州貴州廳人行伍
光緒十年任

景春林

四川人行伍
光緒十四年任

王得貴

貴州都勻縣人行伍
光緒十五年任

唐占標

四川人行伍
光緒十七年任

姚應啟

雲南人行伍
光緒十八年任

余繼祖

四川人行伍
光緒二十二年任

常啟

滿州黃旗人侍衛
光緒二十三年任

朱明英

湖南人行伍
光緒二十六年任

趙萬忠

直隸人侍衛
光緒二十七年任

張元善

貴州都勻縣人行伍
光緒三十一年任

定元

滿洲紅旗人章京
光緒三十二年任

劉勇

四川成都縣人行伍
光緒三十三年任

韓殿元

山東人侍衛
光緒三十四年任

吳占先

廣東人行伍
宣統元年任

宋振鐸

貴州平越州人
宣統二年任

陶陳章

四川人侍衛
宣統三年任

魏繼卿

貴州興義縣人行伍
宣統三年任

邵鴻儒○字梅村浙江餘姚縣人由舉帖式補貴州普定縣知縣道光二十七年丁未調署台拱同知到任後創修太平礮魁星閣三官殿勤政惠民與情愛戴不一年政聲卓著尋遷平越州直牧歲豐五年乙卯送苗蠢動勢甚猖獗大府以公洞悉苗情復調署台拱廳事是時下游各縣盜賊如毛公慷慨捧檄履任即單騎巡各寨多方勸諭逆苗等勢成騎虎玩不受命公與台拱營參將富忠籌備軍需死力固守得人以誠軍民樂為用命數遣使至省乞援時因龍貴清黃均為賊踞道路梗塞迄無一兵一卒至台歲豐六年丙辰城中糧盡繼食草根樹皮甚有易子而食者賊偵知城內空虛並舉數萬力攻丙辰秋八月二十六日公登廳署後山遙望賊峰

台拱縣文獻紀要

三七

擁而來輒仰天歎息左右指曰東門賊少可走公曰守土之官與城存亡去此一步非死所矣二十七日城陷公朝服北拜賊擁至大呼曰降且免死公叱曰我乃朝吏命官豈降賊耶眾欲執之公遂旬列於廳署大堂妻張氏並女一同時盡節按公堅守危城十有八月糧盡城失閣城文武軍民陣亡殉難者屍積如山免復從邦人士求公屍不得深以為憾欲為公立衣冠墓求公遺物亦不可得諡逆寢光緒十七年辛卯同知李上珍建六角亭於署後山麓立公木主祀之宣統元年同知胡瀛濤參將劉勇復建雙忠祠於參將署側迎公木主與參將富忠同祀焉緣富忠與公同時殉節也

席啟節○號孝卿湖南東安縣人以軍功擢授知府同治九

年署台拱同知事時值苗亂初平編地剝棘公修建城垣安

集難民設善後局於城中委台拱營守備歐有發番招汎把
總李普守備吳文龍士紳陳天錫黃啟銘等董其事兵燹後
衙署被燬賃居民房至是請款修復清理田賦招撫流亡凡
逆絕產業提歸公用建昭忠祠以妥忠魂等萬人墳以掩骼
皆闕聖廟城隍廟亦次第新建在任七年百廢俱興撫郵瘡
痍政聲卓著光緒三年以疾卒於官邦人士至今猶稱道弗
置

周慶芝○字紫峰湖南湘潭縣人監生以軍功擢授同知同治
中入黔先後受知於黔撫曾文誠黎文肅咨襄勦厯署貴甯清
鎮正安知縣所至皆有政聲經三次計費卓異光緒二年補授
台拱同知時苗變甫清招撫流亡清查戶口倡辦義倉建設學
校逾年百廢俱興鑿於苗民之教化也實由智識淺陋文字隔

台拱縣之獻紀要

三八

膜所致乃清釐叛逆絕產得穀八百九十九石云斗改設八級學
三十二級督率苗民子弟入塾肄業苗民始知向化光緒十
七年見各鄉士人來學者眾台陽書院秋溢難容復福修逆
花書院延師講學每月進諸生課文藝優給膏火獎激後進
文風丕振迥異疇昔是以三任台拱人咸以周青天稱之十八
年四月卒於官邦人感德建木主於文昌閣祀之

台拱為鎮建府同知分駐地向無丁糧亦無學額清乾隆二年戡定苗亂後總督張廣泗奏設學額二名彼時風氣未開無人應試道光十三年歸併鎮遠府學每屆歲科兩試學使按臨凡台拱士人之應童子試者即時鎮遠府學與考至學官學田終清之世均未設立

三台書院 在縣城西街咸豐六年苗變燬於火清光緒三年同知李道本重修更名為台陽書院光緒三十一年同知何大昕改設初等小學校

台辰書院 在縣城南街咸豐六年苗變燬於兵遂廢

蓮花書院 在縣城東南隅清光緒十七年同知周慶芝創建規模宏敞並建兩廡十二楹集諸生讀書其中高火則

台拱縣文獻紀要

二十九

取資於台陽書院舊產並捐集叛逆絕產以益之光緒三十三年同知胡瀛清改設縣立高等小學校

縣立高等小學校 清宣統元年同知胡瀛濟就縣城蓮花書院舊址設教委紳士陳嘉震充校長康生徐培蔭楊名耀分任教員學生五十二人民國二年畢業一期六年畢業二期期現仍廢續辦理三期其經費係歸併書院田租義學田租暨本城屠漏等項由地方經費局撥每年豫算業開支

縣立第一國民學校 宣統元年同知胡瀛濟借城內昭忠祠為校舍組織成五委高等小學校校長陳嘉霖兼任該校校長彭廷魁充主任教員學生三十五人科學功課由縣立高等小學校教員徐培蔭等分任現仍廢續辦理其經費係於學款項下每年由經費局照豫算定額開支

縣立第二國民學校 建設與第一國民學校同就縣城西

台拱縣文獻紀要

三十

街台陽書院舊址添修教室委王平章充主任教員學生四十人科學功課仍係縣立高等小學校教員湯店勝等分任現仍廢續辦理其經費照第一國民學校由經費局開支

施洞區立兩等小學校 清光緒三十二年同知施錫恩設

初等小學一校借施洞蕪軍忠義祠為校舍委紳士張任仁充校長張正南充教員三十三年復添設高等加委張上林蔣宗穎張卓劉文亨等充教員有高等學生二十八人初等學生六十五人分甲乙兩班教授反正後校長張任仁辭職委韓需接任仍廢續辦理現高等生畢業一期初等生畢業二期其經費以施洞場教義學田租蕪軍忠義祠餘款統歸經費局核收每年照額定預算支給

革東區立國民學校 清光緒三十二年同知施錫恩設立

委王在邦為承辦員劉耀蓂充教員劉撥東區義學七館並抽收革東屠捐為經費改革後因款絀停辦民國七年知事丁尚國重新整頓就該處關聖廟舊址添修教室委石平劉嚴定蕃為教員有學生五十二人其經費每年由經費局照額定預算開支

來同區立國民學校 民國二年知事李慶春設立就來同堡關聖廟為校舍委劉耀蓂為教員學生三十八人四年因款絀停辦六年知事談文熙後設現仍廢續辦理其經費每年由經費局照額定預算開支

台盤區立國民學校 民國二年知事李慶春設立租借民房為校舍委熊天翼充教員學生三十三人四年因款絀停辦六年知事談文熙後設現仍廢續辦理其經費每年由經費局於學款項下照預算開支

台拱縣文獻紀要

南甯區立國民學校 民國二年知事李慶春設立購買民房為校舍委韋文鑿充教員學生四十人四年因款絀停辦六年知事談文熙後設現仍廢續辦理其經費每年由經費局於學款項下照預算開支

在濃區立國民學校 民國八年知事丁尚國設立就原有義學堂為教室委姬維鑿充教員學生三十五人其經費每年由經費局於學款項下照預算開支

台拱縣立國民女學校 民國三年知事彭承先組織成立就城內觀音寺廟房改修教室以陳秀娘為女管理委年老廩生韋錫珍主任國文其科學由縣立高等小學校教員徐培陰等分任學生四十二人經費由學款項下在經費局動支

施洞區立國民女學校 民國五年知事談文無設立租借
張姓祠堂為校舍學生二十八人以女士蔣周懿言充女管
理委區立兩等小學校校長韓霖兼任校長具科學由兩等
小學校教員張汝翼等分任經費仍由學款項下在經費局
動支

台拱地處巖疆向無團保名目雍乾以降苗頑抗命歷經大兵勦撫原設練兵八百六十名分防要隘厥後兵數遞減光緒中葉僅存二百餘名而兵制窳散虛有其名宣統三年奉文創辦警察僅於縣城內設警兵八名警務長教練各一員經費係提肉捐一半及昭忠祠城隍廟東嶽廟租開支維時畧具雛形規制多不完備旋因國體變更公款支絀經縣議會提議取銷警察改辦國防乃辦國防尚未就緒民國元年十二月因廳議會無款籌辦復撤銷國防將團款移作議會常年經費民國二年八月古州兵變潰匪田現龍竄入台境攻破縣城經東路巡防營營長盛一晉楊瑞田率兵擊散將縣城克復聞知李慶春遂於是年九月恢復國防僅於縣城

台拱縣文獻紀要

三十三

中區設一總局招募團兵四十名什長四名正副局長各一員薪餉由本城平息屠捐項下開支不敷之數議由城鄉居民分上中下三等捐助民國三年知事彭承先奉令籌設警備隊設置警隊長一員警目四名警兵三十六名購領奧槍四十枝專為擊匪清鄉之用後因經費支絀民國四年知事談文熙裁撤警備隊擴充國防熱章改設保衛團分縣境為東南西北中五區中區駐兵三十名東南西北四區各駐兵十名民國六年知事丁尚固奉令改組國防就原有之保衛團改設國防局仍分為中東南西北五區中區國防設總局於縣城關岳廟內常駐團兵四十名東區國防設局於革東場常駐團兵二十名西區國防設局於台盤場常駐團兵十名南區國防設局於南弓場常駐團兵十名北區國防設局

於施洞口常駐團兵二十名除原領輿槍四十枝外復籌款
添購老毛瑟快槍二十枝新式毛瑟快槍二十三枝無煙馬
砲二枝大尾子槍四十枝配發各區團防局備用

台拱係屬中縣應編保安警察隊一中隊因公款支絀
民國八年知事丁尚國將警備團兵合併改編成立一分隊
設分隊長一員教練書記各一員非長三員隊兵三十名號
兵二名大夫二名以原有警備國防的款壹千零肆拾餘千
文撥作經費

娘頭田土。嫁女以田或土作嫁奩者謂之娘頭田或娘頭土如女死而無子須將田或土完全返還其夫家不得主張承受

還娘頭。姑之長女對於舅氏負有與其長子結婚之義務俗稱為還娘頭如不與舅氏之長子結婚另嫁他人須給舅氏之金錢(俗稱吃外甥錢)以求其允許因舅氏無子而另嫁者亦然

休賂。夫或妻之一造欲行離婚不必得彼造之同意但對於彼造酌給銀數十金或百金彼造當照受其拘束故離婚者雖多而以離婚涉訟者甚少

相親。苗俗論婚通媒後女家即擇吉以鴨一隻酒一壺送往婿門並以白布帶編繫於媒人之腰謂之相親

台拱縣文獻紀要

三十六

擗馬郎。男女於良辰佳節羣聚於寬敞之地吹笙唱歌謂之擗馬郎彼此相悅其音相近其歌相諧隨即携手同往僻靜處所交換物品以為自由結婚之表示甚有即時野合者事畢各別歸家由男家定期迎娶女家亦聞有拒絕者

同宗結婚。苗族結婚專由男女兩造之同意而定凡同宗非近支者或異姓系由一源者男女互相戀愛均得於擗馬郎之日自定婚約

夫妻同居之條件。苗族男女凡成婚者只舉行成婚之禮式妻住夫家一日或數日即回母家以後雖不時來往必俟生有子女始到婿門夫妻永久同居

轉房。凡死弟每娶兄嫂為妻惟弟死兄不能娶弟婦為妻
間有娶之者人多耻之

永頂字據。凡私人承頂官有之軍田或營田在承頂之初
向官廳認納租金承頂耕種子孫相承即與所有無異出
賣時稱為永頂以避私賣官產之名沿習日久凡後之出
賣者不立賣約其立永頂字與賣契有同一之效力

割木。凡有金錢及其他買賣行為不立契約用一圓形木
條長約八九寸將雙方交涉事項憑中證割標識於其上
各執其一以為信符

相老錢。凡因事交涉致起爭端而造各執其理之由直請
國甲理論評論者謂之理老事畢而造各以錢數百或數
千給該理老等分用謂之相老

台拱縣文獻紀要

三七

子孫橋。苗俗或因艱於子嗣輒於溪溝山路搭木柱三根
為地橋每年於陰曆二月初二日備雞酒祭之謂之煨橋
如被人損壞或侵佔者必力爭涉訟

釀鬼。一寨之中如某家有釀鬼則子難娶女難嫁成視之
如仇讎如不知其家有釀鬼而結為婚媾者亦必離婚

按華氏寒暑表熱可至九十八度冷可至三十二度每年於
寒露後則寒來清明後則暑來五六月內夏雨驟至山水暴
漲災癘薰蒸易成疔疫南區交工一帶山高地僻煙戶較少
瘴癘特甚至未稼則於立夏前後日播種立秋前後收成大
小麥則於立冬前後下種立夏前後收成瓜豆下種之期則
在驚蟄收成則在夏至

杉木。出縣屬東南區湯山蒼翠有輪囷合抱者近年江路
開通販運三江出售其質較他處所產堅實價值亦較他
處為優

樟木。出縣屬南區有大壺合抱者苗人不許砍伐留積沙
水近年漸有漢人採取其葉製作樟腦出售

靛青。出縣屬西區年出二三千觔只供本屬苗家染布之
用近來人知趨利所產較前增加除本屬供用外並出售
於重安下司惟質粗色濃若改良種植亦出口貨之大宗也
文豐子。出縣屬西區台盤水牛等寨土人呼曰藤桐結實
成熟取以榨油燃燈不知即為藥材中之木鱉子也

陽起石。陰起石。石鐘乳。出縣屬東區華東有洞二曰

台拱縣文獻紀要

三十九

穿洞曰達老洞深約四五里寒魚凍冽中產陽起石陰起
石石鐘乳三種礦物惜該處苗民迷信風水不知開採
五甲皮。出縣屬雷公山有紅白二種紅者較苗苗屬五甲
白次之但縣屬產者較他處為優其效力能祛溼和血實
天然時產也

百合粉。出縣屬南區雷公山色白有光味甚苦土人搗之
為粉較他處所產為優

刺竹笋。出縣屬南區一帶其葉鋒利如刺名曰刺竹笋形
似蘭笋惟不及其肥澤而味則過之

斗紋布。出縣屬東北區苗婦自織甚密緻以靛青染至二
十餘次其色耐久不變但僅供苗家自用惜無出售者

風筒。隆冬之際取小豬十餘劔或二十餘劔剖之塗以水

一日懸極陰處風之俟水氣乾流以鹽再風令極乾抹以
椒香潤以麻油用時和少許水搗蒸之味極鮮美

台拱地處苗疆跬步晴山田畝晴零並無一二里之平陽場
圃同光間戡定苗亂招撫流亡苗民悉數歸農尚無曠土惟
智識踴陌所種者以糯米為大宗只穀本地日食不能運銷
出售因山多土少包穀出產無多至麥菽青梁尤屬罕見
台拱桑業於民國五年經知事談文無奉令提倡維持桑區
地畝尚未劃定僅栽成桑秧三千三百餘十株民國六年知
事丁尚因添撥附郭管地九幅共九十六畝南區台雄放營
地一百零九畝先後栽成桑秧四萬九千二百株又中區麥
影寨雷打坡等處人民領種桑秧三萬一千餘百株東區革
東萬條等處人民領種桑秧三萬株南區朱同懷化南市等
處人民領種桑秧八千六百株西區南庄古羊等處人民領
種桑秧一萬三千二百株北區慶博小江等處人民領種桑
秧三萬株惜五區多係沙泥土質不甚肥沃數載桑苗業尚
在萌芽時代

台拱縣文獻紀要

台拱東區交汪寨南區紅寨一帶開闢蜿蜒陟步皆山大小
七十八寨周圍二百三十餘里杉木樟樹所在皆有間有人
跡罕到之區共輪圍合抱蒼翠參天者類多百年以上古木
同光以來歷經封禁故能保存至今民國四年江路開通出
口杉木運往三江一帶銷售者年約值銀六萬餘千元特斧
斤日異漸減重山現由公家嚴訂懲獎規約督飭培養隨伐
隨種以期林業日新

潘忠友 號維侯縣屬五岔寨苗民性豪爽有膽畧見鄉里有不平事輒身任排解人多畏敬之咸豐中下游苗叛逆員韓起募兵援勦時忠友應募入營充司兵臨陣勇敢奮不顧身手持一單戰橋捷如飛每戰輒見寒光閃爍當者無不被靡或他軍敗走得忠友援救並能反敗為功韓起深加器重呼曰健兒由是忠友名益噪後以累功擢授參將旋署松杭協副將

石治金 縣屬革東街人幼好學劍有膽識以行伍累功擢授千總光緒十年法越之戰從天軍馳援屬西鎮南關臨陣身先士卒為礮彈轟傷乃喚部下天旗劉九護兵張老崖近前撫膺嘆曰大丈夫為國捐軀得死沙場願亦足矣但敵人

台拱縣文獻紀要

四三

未滅實屬恨事我之殘骸能否搬回由汝二人酌之言訖而亡
王中豫 縣屬革東街人素儒家頗饒好施與喜讀兵書有經畧咸豐中苗叛布政使席寶田率湘軍援勦相持未下中豫親詣行營條呈兵事充簡導由是攻勦得手沿河水為之赤中豫尊重人道不忍視苗族滅絕稷請屬公勸撫兼施遂奉委與千總李普會辦招撫事宜全活者頗眾同治十一年逆首張秀達等被擒台拱苗亂平獎中豫功不受退隱林泉壽享九十二歲終著有黔東治亂紀畧行世至子孫承衍為邑中望族

王在極 縣屬革東街人敦孝友三世同居性好施與光緒初年時疫盛行施藥濟人多所全活死者施以棺木行三十餘年不稍吝焉光緒十八年同知周慶芝創修蓮花書院工

永平而公帶吾之在極慨捐銀三百兩為之倡士民觀感解
慶者頗多不數月工竣在極年五十六始連舉三子壽八十
歲終人皆謂為好施之報

咸豐六年台拱城陷官兵紳團死事姓名表

王啟富	王得星	王老用	王老尾	王老瑞	王曰你
王老送	王老也	王老富	王啟貴	王定邦	邵應祥
邵應明	邵應富	邵應林	邵梗在	王正富	王老祥
王在富	邵尔方	邵老祥	邵老前	邵老也	邵老方
邵得富	邵得林	邵得恩	邵得興	邵得受	邵得旺
邵得清	邵老令	邵種羊	邵禄九	邵皆送	邵九抱
邵工排	張有林	張學彬	張禄送	張汪仲	張文仲
張唐梗	張九也	張皆往	張正全	張在養	張蔣牙
張春料	張温經	張湯概	張降九	張滿抱	張瑞鼎
張概交	張抱貴	張羊也	張抱送	張里羊	張排代
張九農	張又金	張興麻	張抱往	張工柱	張三也

台拱縣之獻紀要

四十五

張尾三	李正報	張工養	張老興	張老滿	張殿科
張向梗	張往梗	張榮修	張麻棟	張送金	張在奎
張九紋	張老滿	張禮榮	張降下	張九報	李成明
李成美	李成龍	李角尾	李養九	李冷角	李送當
李拉送	李爾發	歐少向	歐唐敏	張在格	李又紋
李攀勝	李攀桂	歐有斌	歐有仁	歐當工	歐也禾
歐朝柱	歐耶排	歐得龍	歐尾也	歐尾九	歐羊瓊
歐保安	歐車牛	李榮高	歐引董	歐傳董	歐有富
歐有貴	歐再才	歐發順	歐養珍	歐再珍	歐顯今
歐皆九	歐尾董	歐抱董	歐往當	李高堂	李下車
歐講條	歐瑞榮	歐長壽	歐社翁	歐老轉	歐老瓊
李牛累	歐九朗	李老高	李夜牛	李柱累	李當康

張養當 歐也報 歐華報 歐養同 李卦也 李向降
李開勝 李牛往 歐抱冷 歐溫冷 歐三往 李麗下
李排今 張滿送 歐得星 張王銀 歐麻應 歐鹿冬
歐抱忍 歐今皆 歐丁尾 歐九全 歐雷條

李成育妻張氏 縣屬桃湖寨人張學仲之妹咸豐六年苗匪探九之亂被賊擄去携二歲幼子同行時氏年二十二歲賊欲污之義不受辱罵之先將其子捨死旋即自縊

王世弼妻楊氏 縣屬辛東街人善事翁姑克盡婦道庠生王世弼家頗饒好施與葉蕙施粥嚴冬施衣氏多所贊助咸豐初年苗寇氏移居清江廬避亂六年八月十三日清

江城陷時氏年二十有一恐被辱率孫女侄孫女等共九人携手投河殉難

吳正勳妻楊氏 縣屬寶貢堡人翁同吳文龍之岳翁翁至孝文破即婦代子藏問寢視膳至老不倦氏翁八十四歲壽終時氏年已六十矣咸豐五年苗寇移居入城未幾城

台拱縣文獻紀要

四十七

陷遂投井殉難

王鍾毓妻龍氏 縣城人咸豐六年苗匪探九等陷城氏夫鍾毓陣亡時氏年二十五歲矢志守節六十年壽八十五歲終

歐有富妻熊氏 縣屬麥影寨人咸豐六年苗亂氏夫有富力戰陣亡時氏年二十五歲撫子成五守節五十年七十五歲壽終

錢新雲妻程氏 縣城人咸豐六年逆苗陷城氏夫新雲殉難時氏年二十七歲携子光明逃亡避亂蕭清後子旋病歿撫孫肇祖成立守節三十二年五十九歲壽終

張金鏡妻蔣氏 縣城人蔣世謙之女咸豐六年苗匪探九之亂逃亡出外夫卒時氏年二十九歲家赤貧堅苦守節

三十九年撫三子成立年六十八歲卒

鄧如松妻楊氏 縣城人楊南星之妻年二十九歲夫卒矢志守節孀居四十九年七十八歲壽終

胡邦龍妻羅氏 縣城人羅占國之妻年二十九歲夫卒守節四十九年撫子進光成立年七十八歲終

石治金妻李氏 縣屬東街人光緒十年治金以子總從大軍援廣西鎮南關中彈陣亡時氏年二十八歲上有衰年翁姑下遺子女各一皆在孩抱家道清貧仰事俯畜賴氏針黹以資生嗣翁姑先後棄養氏勉力殯葬如禮撫子女成年又為經營嫁娶矢志守節三十五年病亟時召子媳近榻前囑曰我責任已了可從爾父於地下矣言訖而終壽六十三歲

台拱縣之獻紀要

四六

王用章妻楊氏 縣屬東街人性端凝寡言笑孝事翁姑和睦妯娌親族無間言庠生王用章病故時氏年二十三歲矢志守節苦無嗣卒年五十歲計守節二十七年

張文運妻羅氏 縣屬施洞洞口人幼讀書性聰慧且明大義長適文運為妻善事翁姑以孝聞咸豐五年春苗亂文運挈家避居勝東分縣城米珠薪桂賴氏針黹度日七月城陷賊執文運氏伏地哀乞不免乃襁負其子以從至平地營河干文運遇害氏即負子投河以殉後月餘屍出水面猶面目如生鄉人為之築葬

徐朝薦妻周氏 縣城人清監生周彥芳之妻年十八歸朝薦為維時姑婢棄養僅翁父徐宗元在堂朝薦以小賢外出問寢視膳惟氏一人是顧光緒二年朝薦以病卒時氏年

二十三歲生二子長甫三歲次僅歲餘家徒壁立無以營葬遭此大故痛不欲生屢欲以身殉節既而念上有衰翁下遺孤子責任綦重始強起支持然生計維艱賴氏紡織以生活其侍翁父也半媳半子先意承志每晨必親滌溺盥濯疲孟然不假手他人歷三十餘年如一日光緒三十四年翁父徐宗元逝世氏含悲泣血營葬如禮氏撫膺歎曰吾艱苦半身至此可對吾夫於地下其教子也外嚴內慈二子入塾夜編必責令背誦偏怠隨即督責不稍寬氏翁以孤子年幼命怒之氏泣對曰吾家所恃者此二子耳幼而失教將來何以為人故雖冰天雪夜讀書聲紡織聲至夜分猶不息有子二長培蔭補弟子負食廩穰充縣立高等小學校長次培英抱贖從公均能自樹立者皆母教

台拱縣文獻紀要

四十九

也有孫五樹青樹高樹雲均高等小學畢業樹屏樹玉均國民學校肄業有曾孫二四代一室奉為邑中望族皆由氏飲冰茹蘗苦節撫孤之所致也氏於二十三歲夫故計守節四十六年卒年六十九歲民國八年知事丁尚因請予褒揚

張尾禮妻李氏 縣屬張家寨人年二十二歲夫故撫孤子成立子旋病卒氏矢志苦節六十六年現年八十八歲尚存

劉起鴻妻王氏 縣屬喬隴寨人夫死時氏年二十七歲家貧耕織度日孝事翁姑撫一子一女成立計守節四十五年七十二歲壽終

新修城南護城河太平橋碑記

昔者單子適陳述先王之令曰雨畢而除道水涸而成渠孟子之論子產曰歲十一月徒社歲十二月與渠而王者之世民不病涉五不以其改道而人和哉夫畚塿之任一司里舉之有餘而黔地異中土較難易頓殊為大率風土限之也蓋黔地紆盤萬山嵐氣蒸鬱恒陰易雨謂之天末又謂之漏天山水暴漲匪獨春夏為然一切橋梁道路其工率難成而易壞台拱峯擁三台苗安九股城南通通者會一線羊腸有護城溪河一道山泉匯注水涸則塞塞可渡水漲則行旅次且每當交市之期民苗負荷往來者肩相摩踵相接也鮮不以茲河之間阻為慮前署廳郭明府會商營務捐銀二百八十兩買回備舟以渡行人道光八年偶遇漲發迅駛舟

台拱縣文獻紀要

二十

子力不能挽遂逐波臣而云鄉人士心竊傷之以為舟不如橋請於署廳黃參軍而又難於費之不肯也將前置田變價稅倡議勸捐眾皆踴躍惟地瘠力薄黃以交卸去工未半而捐項不能盡收以役長縮不前余于役交卸回藉斯土深懼此舉之不克觀厥成也履多方論導並解案中搜糧資助相與伐石集工糜金二千有奇凡閱十餘月而工竣夫事其難於偏始尤莫難於圖成記曰有具舉之莫敢廢也處茲瘠貧之區而舉此鉅工苟非協力協助衆志如一其成與否正未易言也方今天子聖神深仁厚澤被於梯航萬國之外台拱雖邊隅人之好善猶中土也余不敏竊欣奉揚德意百度俱舉值斯礪之成託之以為庶政權輿若夫經營勸輸則眾人之成續也余何敢掠美哉是役也起二於道光八年八月廿歲於十年四月文武之樂輸民苗之勤勩則得請書於石以告

後之人將加修葺焉繼自今大川利涉奉祠與頌
王道之蕩平也是為記

賜進士出身

諸後朝議大夫知府銜貴州鎮遠府合拱清軍理苗府卓異加一
級楚壯劉紹瑄撰并書

道光十年歲次庚寅孟夏月

吉

旦立

重修南門太平橋記

歲豐元年歲次辛亥六月二十日照得樞來樞斯篆前任陳君竹坡謂照曰台拱南門外有大橋別名邵君梅村余接董其後閱四寒暑而工未就君其從成之幸甚也應曰唯視事有數日檢牘獲是卷於是履其地見夫橋以上游歸而來者踵相接也橋以下寒裳而涉者肩相摩也事已垂成功虧一簣不難剏期奏效乃進前事而告之曰人情每難於圖始而易於圖成斯橋始事之難邵君既任之成事之易照願與諸君快觀之首事曰諾而月而二竣落成後照復至其地見夫飛泉瀉玉白之凌波微步者今則界石貞吉矣負者歌於途行者修於樹偃偻提携往來不絕名其橋曰太平其斯為太平景象也歟是不可以不記憶邵君有記在是暇日因其文而潤色並泐諸石以垂不朽是舉也謂照成邵君之美則

台拱縣之獻紀要

五十二

可謂照標邵君之美則不可台人有知當不以照言為河漢也按

邵君記曰台拱城南護城河其源發於丹江之雷公山每春夏間

山水陡發勢甚湍急而地當孔道上通者會下達清江市集之期

商賈行旅所必由舍此則紆迴山谷道阻且長以故前歲劉黃二

君改渡為礮民甚稱便今年五月初大雨連朝山溪陡漲礮被衝

斷是時秧苗初長一望瀟瀟漫秋收可慮不僅氏之病涉已也余深

懼夫天降災祲乃省身克己益求訟度無寃謹持膏請既而歲云

有秋轉禍為福二三父老於禱事畢復以礮事請余思古昔或時

十一月社杜成十二月與梁成利濟為懷其意至深遠也是豈鄭

公崇禱之乘輿濟人惟日不足所可同日語哉礮之不修守土者

之責也余敢爰難前安耶爰倡眾學易舉之益互相勸捐共得一

千五百金擬於礮成後再以其餘將東門城隅魁星樓及下水關

之三宮廟一併施以丹堊將見雁齒鴻胥飛鳥革後先輝映豈不美哉是為記道光丁未年冬至後二日餘姚邵鴻儒撰
記畢而款邵君之為政實能見其大者遠者而台人之勇於為善亦可見矣抑庶聞之首建此議者尚有台丞營參府長白榮君麟也繼督其工為紹興陳君毓書終贊其成並誌顛末勒之貞珉則為三帝揚厥照也

奏建楚軍忠義祠摺

兵部侍郎胡亦巡撫臣王文韶跪奏為奏請統籌敬崇營祀名提督龔繼高統帶義勇營記名提督張元壽等稟請敬崇自題記名布政使席寶田後嗣以來文小百餘名仰懇 朝廷高福盈千臣竊維諸名將各員勇丁旅視悲歸者均經隨時就地殯葬此外或散處軍營或留清亦經在楚河口建修白骨塔數座陸續收殮發置歸德日後各軍凱撤墳墓無人照管請設廠為收殮官倉及斷塚深給樹依重同治八年三月設督署為善寺在貴州黃巖地方傳之商家巷現在於元州府城建立壽祠後位受祭並將歷年陣亡病故各營弁勇一併附祀在案厥後疏道籌邊交克南岸開闢團場為編練收積雷公山肅清苗境屢次應戰傷亡將士尤多祇以沅郡一祠

台拱縣文獻紀要

五十四

勢難執行附入該擬再於施洞口選購寬廠地並捐建楚軍忠義總祠藉藉殺各營陣亡病故文武員弁勇文等合祀其中春秋由地方官設祭並捐資置買祭田招募僧人住持兼令照料墳墓以資題匾而安忠魂稟請查明立案前來臣查獲黔之役各營將士或臨陣捐軀或傷勇殞命其數實繁若非建祠合祀誠恐忠魂歿魄無所憑依應請准如該提督等所請於苗疆施洞口地方建立楚軍忠義總祠各按官階及死事年月分別次序建立牌位每年春秋由台拱同知恭詣致祭所需之祠費及祭品等項概由該營自行捐募毋庸題文公項除建祠設碑事竣造冊送部備查外所有楚軍在貴州施洞口建立忠義祠緣由理合附片陳明伏乞 聖鑒訓示謹奏 光緒元年五月二十四日奉旨知道了欽此

新修關聖宮記

苗疆之有關廟也向在偏峯為漢苗交敵之所或豐初苗亂廟破
圮苗畏神靈其塑像尚未毀同治九年援粵楚軍進拔施洞口走
巢與勝攻取若有神助迨大軍臨駐施洞口分紮偏峯各將士以
偏峯關廟 聖像暴露不宜遷迨於施洞口建廟祀之適以軍
務倥傯日事征勦土木之工不暇計也壬申平烏鴉坡全股苗黨
苗總肅清龔軍門崇甫蘇軍門子熙唐軍門益之春翹楚軍分任
防事以戰勝有資神力遂各捐金為重新構造之舉未幾唐軍凱
撤所捐資費半為經理者飽之誦旋寢後上官祀臣明府以軍機
與龔蘇兩軍門議善後事慨然有感於關廟之意龔蘇皆以為事
之不容已也商之攝理台拱席若卿太守璣金修之卜基於施洞
口中而鳩工庀材計經始於光緒二年迄三年春告成當時登祀
之費並就市購地址起造舖屋取租而之此次苗疆之平學靈顯
著則廟祀兵燹而苗永不致復逞矣事竣子時禱蘇軍忠其願
末以記

台拱縣文獻紀要

五十五

光緒三年春貴州候補道石燕山撰

薛授朝議大夫前著台拱廳郭梅討司馬殉節記

公諱鴻儒字梅村浙江鄞人也由筆帖式著績除貴州普定縣令尋遷平越州直牧道光季年調署台拱廳事勤政惠民與情愛戴去之日父老攀轅思之不置咸豐乙卯羣苗梗化相率叛亂下游郡縣多不能守廳屬為苗疆要地諸寨苗首聞風蠢動勢甚猖獗大府以公撫馭有方洞悉苗情復委權廳事是時鎮遠一帶逼處苗賊公捧檄慨然就道奮不顧身單車入城籌備軍需為堅守計率衆登陴甚勞况瘁以兵單餉竭數使赴省求援會各路告警甚急當軸者以中路通川為餉要道必以重兵屯集不遑他顧以救援久不至城中糧盡人民相食逆苗偵知悉率醜類奮力攻城公登城四顧見羣苗大至巖聚蜂屯度不能守仰天大歎左右皆曰東門賊少可走公曰守之官與城存亡去此一步非死所矣明晨城陷公朝服北向再拜賊不敢犯公復據崖大罵賊趨前公遂拔石自刎時丙辰八月二十七日也計固守危城十有八月閩城文武同時殉節賊踞城日久克復後求公屍不得人民深以為憾事列於朝詔賜卹典如例崇祀昭忠春秋致祭今廳人述及前事輒潸然淚下終以見公之感人者深歲戊子珍捧檄分守是邦越明年時和事集講書多撥邦人士好義者欲為公立衣冠墓求公遺物不獲遂遷柩為閩之處公之幽光潛德久漸湮沒非所以表揚忠貞之意爰訪其事之梗概而援筆記之邦人請泐諸石以垂永久應曰可遂行于民並為之銘曰

台拱縣文獻紀要

五十六

奮哉司馬 不愧循良 艱難猶在 重蔭甘棠 樽前梗化
逆寇鴟張 登陴固守 籌備有方 援絕食盡 身殉存亡
斯人不朽 忠配睢陽 名垂史簡 邦家之光 常存正氣

夜空輝煌 惟節與義 垂久彌芳 崇祀祀典 沮丘啓香
誌校朝議大夫署台拱廳事正安州知州世襲雲騎尉滇南李三珍拜題
光緒二十七年辛卯春三月 立

台拱縣文獻紀要

卷七

蓋開雲臺標大將之名露布誌功臣之績策在事理原不易攝
軀為國分在則然大丈夫處世非忠孝不足以濟河山士君子立
身惟節操乃能以光竹帛我營前恭我富公諱忠者咸豐乙卯苗
匪叛亂人心瓦解公以糧餒兩絕扼守危城可謂忠矣力竭身殲
城亡與亡可謂節矣卒之城破巷戰父子背立尚及斃數賊旋以
衆寡不敵同時投命可謂忠且勇節而烈矣馬伏波所謂兩革裏
屍獲死疆場為幸公殆其流亞歟况忠孝萃於一門婦孺相率從
死靡悔之狀言之酸鼻嗟乎兵燹餘燼里宅凶墟載感寒暑湮沒
無聞怨諸抱痛吾令同慨勇於光緒甲午林繼來台備守左軍調
悉公當日死事慘烈深為傷悼賴前任劉公旅廷嚴公子發張公
繕初為之砌墻陞列碑記遂得每歲清明一盂齋飯臨壙祭掃而
遂藹滿目風雨漂搖夷於荒塚此何足以慰忠魄而妥英靈哉勇
每欲倡首集資建祠興祀無如職微俸薄舉措維艱清夜捫心有
志未逮十餘年來未嘗一日去懷戊申春上峯檄委權恭將事爰
商同兩軍守戎並司哨官弁幸皆踴躍贊助諸旋備節撫公所餘
得金數十乃克鳩工庀材創修祠宇以興歲祀現經總陳忠節公
稟各上憲立業期垂久遠尚望後任諸公相引無替率屬勸農時
加修葺庶享祀春秋香煙不絕徽持富公在天之靈有以舒其幽
憤即勇與富公同祀同澤均叨靈蔭於靡涯矣是為序

宣統元年冬夏月爲恭將事蜀川劉勇序

丁巳天中。余與友人張若芬林。胞弟周卿。載肴酒。携詩囊。與舟楫
而下。約三里許。抵天潭。即土人所謂瀨橋塘是也。左右岸巖危
一壁。則奇壁合意。山巖深布。如龍銀前。泊舟潭心。將景宜人。恍然
別有天地。及縱目高眺。忽於烟雲青黛間。露一深洞。中有虹橋橫
架。幾非人力所為。舟子曰。此古洞仙橋也。又見危巖數孔。石笋珠
絡。各牙相錯。形若空中樓閣者。尚有二人對坐。恍惚中列棋枰。
舟子曰。此二仙下棋也。半巖上有金獅踞踞之狀。更有怪石參天。
到眼驚人。有峻極如怒者。有俯仰如憂者。千奇萬異。殆非遊目所
踴。斯時也。風輕雲淡。水波不興。山鳥爭鳴。花片亂飛。憑欄回顧。頗
覺心曠神怡。飄然若仙。乃移舟近岸。踏石梯數步。入巨洞內。空爽

台林縣之獻紀要

五十九

方平。光線充足。擬休息片刻。覺寒氣侵人。沁徹肌骨。余素不禁寒。
覆出洞口。回視石壁。有大潭勝景四字。細閱款式。半經風雨洗磨。
頗費目力。久之始悉。是劉河孫宋公梅蕊癖愛此間。風物於道光
甲午年。曾喚優伶至此演戲。故镌此四大字。旁并鐫七古一絕。高巖之
上。景幽幽。高巖之下。水長流。茶園子弟今歌舞。千載有人繼續。不余閑詩後。
碑在夷微。景與名埋。殊深浩歎。屆茲瑞陽佳節。感屈原之忠貞。投
湘江之簡。黍穗東坡詩賦。尚有赤璧遺風。吾人處此境。過真一時
之佳會也。爰興濡毫。賦成一律。競說大潭景最幽。瑞陽結伴奇湖。
遊瀨橋。志世外。鄰身外。且有詩傳並酒傳。雲孔峙。綠鴨泛。波紋揚。
漾翠螺浮。此間只合神仙住。不識神仙尚在否。芬林續和。大潭自
古紀清幽。釣為天中河漫遊。喜得江山延勝地。好憑詩酒聚同儔。
鳥聲入語空中應。雲影天光鏡裏浮。聞到神仙恆住此。劉君曾許

再來不用卿續和。端陽何處寫清幽。蕩槩入潭。紀勝遊。舌硯覓仙
歌。鏗伴新詩得句。弄同儔。層層雲樹。峰頭合。片片山花。水面滄洲。
景開樽忘我醉。曲江風味是耶不。和畢。忽聞舟子報。緝酒肴已陳
列矣。道檢白晶石作襪。把酒臨風。行歌唱醉。幾不知人世之有窮
通也。修而晴光萬丈。斜陽西照。舟子曰。可以歸矣。檢點詩箋。登舟
解纜。晚風颼颼。吹送下流。未幾舟於堤。載言載笑。登定環。視則回
壁燈光。已燦明一室矣。呼僮燃安息香。烹龍團茶。後德勝遊。尚
縈洄於不自已者。爰摹筆而為之記。

表忠亭題石

齊綬祺

綠楊三月正清明，獨上碑亭感慨生。太節遽臨悲壯士，祥香
遙莫悵邊城。秋風鶴唳屍偏裹，夜雨鷓啼血共盟。回憶當年
邵司馬，孤忠死義鬼神驚。

謁雙忠祠

丁尚岡

忠臣不二二忠臣，憑弔荒祠俎豆新。守土無方同殉節，援師
失計竟忘身。淚恩山下屍橫野，排畧坡前血染塵。回首當年
征戰苦，長留毅魄鎮城闈。

其二

倉皇捧檄守台陽，烽火連天賊焰張。文武捐軀兒狀節，將軍
喋血死沙場。陣前兵敗雲如墨，帳外魂歸月有光。衰柳婆娑
人不見，荒祠惆悵倍心傷。

台拱縣之獻紀要

六十一

烈婦李張氏，值咸豐五年台拱苗亂，被擒攜二歲幼女隨行。
賊欲污之，義不受辱，先將幼女捨死，後自縊。作詩弔之以彰
節烈。

劉增禮

滿地干戈賊焰張，獨留巾幗憶綱常。花經憔悴心猶馥，邑乘
流傳姓字香。

其二

福慧雙修定幾生，阿嬌出世已零丁。兩年一現曇花影，淒絕
呱呱不忍聽。

部令徵求各縣志，書索台拱邑志不得有感。劉增禮

台山文獻委蒿萊，次第搜羅冊府開。較事漸隨秋色冷，故家
誰闕古人來。波平批瀨鎗兵近，日落揚汪憶將才。回首當年

征戰地，斜陽荒草有餘哀。

重修台拱縣監獄落成

劉增禮

獄政於今已改良，尊榮人道頌刑祥。圓扉清潔流空氣，圜牆
文明放曙光。訓守平陽期勿擾，心師夏禹也何妨。囚徒若果
知遷善，不枉紳民抱熱腸。

得勝關懷古

劉增禮

雄關突兀掃彎煙，策馬將軍奏凱旋。樵牧至今歌得勝，不堪
回首憶當年。

得勝關春遊

劉增禮

禪關落葉樹聲幽，蒲扇蕉衫結勝遊。客裏韶光容易負，每逢
佳處且勾留。

烈婦行并序

張上林

台拱縣文獻紀要

六三

烈婦張羅氏，施洞羅某之女也。幼讀書，性聰慧，且明大義。長
適張文運，為妻。善事翁姑，以孝聞。咸豐五年春，苗亂，文運挈
家避居勝秉分縣城，未幾，薪桂賴氏針箭度日。七月，城陷，賊
執文運，氏伏地哀乞，不免，乃縋負其子，以從。至平地營河干，
文運遇害，即負子投河，以殉。後月餘，屍出水，面猶面目如生。
鄉人為之築葬。

有苗有苗，方蠢動，殺將戕官，勢洶湧。父兄子弟，各流離，惶惶
安知節義，隻性看羅氏，真奇絕。介石貞操松栢節，赤狐黑烏
夾所歸，誓死儼矢，同心結。春來魏類忽猖獗，細柳營中兵力
竭。惟梓與桑，不可為孤城，避處針尤拙。忽聞城陷，刀槍鳴，嶺地
呼天淚，泣血魏虜無情夫，遇害巾幗尤比丈夫烈。欲借襁褓，
自清流。若教無後宋文誠，欲為先人留一脈。拋繯道路誰關

切再四追維再四思。九轉肝腸寸寸裂。倉皇躊躇計無施。銀
波怒濤成永訣。大地為愁草木悲。滌骨常帶泣聲咽。虛不見
元朝徐皇后潘妙圓。從夫蹈火稱人傑。天不見廟上題詩王烈
女。殉夫抱子死巖穴。同此貞心貫日月。千秋儼如出一轍。煌
煌青文麗天明。凜凜丹忱象天決。吁嗟乎。無情碧水猶潺湲。
泚沒英豪總未還。潛德幽光今闡發。清操萬古耀塵寰。

丙察被匪燒劫國首四易志年逾七十督國殺賊中槍殞命
作詩吊之

王用一

年已古稀膽何熱。狂呼叛賊矢忠肝。幽明鬼錄定列定。大劫
人生倖免難。石上兩條芳草碧。碑前風起暮雲寒。子規能解
傷心事。啼血飛紅灑翠巖。

劉增禮

桃賴溪訪友

台拱縣之獻紀要

六十五

家住漁溪水一灣。垂竿獨釣釣竿閒。黃鸝秋脆鶯清燕。蛛
網閑帶醉顏。貪看落花慵掃地。不栽叢木怕遮山。故人如果
重相問。話到桑麻敵竹關。

徐培蔭

遊諸葛洞

神斤鬼斧漫施功。石洞天然入望中。殘碣侵苔因遇雨。扁舟
放纜為驚風。雲封古柏添寒翠。日射疎林滿晚紅。丞相祠堂
何處是。蘆花江上有漁翁。

徐培蔭

得勝閣送客

雄關倚馬送征裝。一曲離歌賦敗行。願逐奇謀消狄莽。漸憑
漢酒訴離腸。飛來羽檄同星火。關展牙旗映日光。碑壘台山
福偉績。名高麟閣重旂常。

山麓村即第

徐培蔭

水抱山環小住家。好將風景度年華。鷗盟白水情同淡。鶯換
黃庭信未差。蔓草時除因愛竹。荆榛勤翦為栽花。幽居竟日
無多事。且課園丁學種瓜。

前題五律

徐培蔭

結伴遊南築。清和首夏天。秋分新雨後。麥割午風前。河隔橋
通路。村連水足田。主人情意重。把酒樂陶然。

送友人轉巴拉河水植樹

徐培蔭

檢点征裝冒雪歸。朔風勁峭透輿帷。山通烏漏樵開徑。路入
貓坡寨有碑。風動梅花香暗送。冰凝竹葉影紛披。途中好景
皆吟稿。幸有詩囊到處隨。

樹栽杉 在縣屬中區交尾寨雍正十年生苗逆命提督哈元生督兵進勦苗勢威有苗酋折杉一役倒樹地中祝曰吾種若存則杉活種滅則杉死逾年杉果活至今一百八十餘年大可十圍枝葉蟠結如其中陷一穴能容水間有蝦蟆游泳或見水亦不為穴旁分發二株大亦合抱惟枝葉均倒垂此皆種存留之一紀念也

蓮花壘 在縣城東番想距城三十里高二里許廢塔之四面皆深菁雍正十年高坡苗變結陽遠交汪馬聯文馬漸南等寨並與九股苗合集土城於蓮花壘據苗首白雲為主抗拒官兵提督哈元生督兵破之嗣於壘上設番塔汛令廢因具地山峯環拱宛若蓮瓣故名

台拱縣文獻紀要

李五

表忠亭 在縣署後山右傍寬一文清光緒十七年同知李上珍泐碑於亭內紀戴成豐二年同知邵鴻儒殉難事實相傳此地即邵公殉節處也

富家墓 在恭蒞署後清咸豐五年三月苗變圍城年餘援絕糧盡六年八月城陷恭將富忠率其子手刃數賊力竭投井殉焉其妾聞變亦率幼子二女二婢一同墜投井殉節光緒四年恭將劉紹烈表其井崇忠骸於其中初積勸碑令邦人於每歲清明節祭掃

萬人墳 在縣城西北半里咸豐五年苗叛越明年城陷凡官紳軍民之陣亡殉難者遺骸枕藉十餘年間無人收葬同治十一年苗亂平同知席啟梯收檢骸骨鋤深壙長三文餘寬一文合瘞之四週築以石壁碑題曰萬人墳每歲

河陽志祠司事祭掃

平曠坡 在縣城東北五里山勢險峻蜿蜒九里塔名九里十三灣昔生苗熾聚抗命雍正十一年提督哈元生討平之駐軍於此因以名坡至今廢壘遺址尚存

平樂亭 在縣城北四里得勝關前由縣入鎮遠要道峯回路轉古木參天行人往來休憩於此舊有亭年久傾圮民國七年知事丁尚國駐防陸軍營副官朱振聲捐募重修白骨塔 在縣北六十里施洞口後坡光緒四年提督蘇元春葺平定苗亂築石塔二掩埋楚軍將士兵骸陣亡之忠骨高三級周圍三文六尺暨碑一文曰白骨塔同年久頹敬光緒二十八年孫長發重修

高坡土千總 清雍正六年鎮遠周國相統大軍征苗有功
授外委土千總管交工汪江文密高牛南石巫西巫細四
登掌音等寨數傳至鈞瑞於咸豐六年苗變禦賊陣亡光
緒八年施臣興德襲職光緒中停襲遂廢

苗招三千總 清雍正六年施秉錫逆世從大兵征苗有功
授外委土千總管李子桐木多忙鷄甲交汪文架苦招烏
牌文為脚南養門麻栗山等寨逆世傳子顯顯傳文基文
基傳廷瑞咸豐六年苗變禦賊陣亡光緒八年施昂廷章
襲職無嗣光緒中停襲遂廢

南市三千總 清雍正九年湖南趙良佐統大軍征苗有功
授外委三千總管南市台羅排札紅寨烏龜箭長皆主在
台拱縣文獻紀要
邦大德諸寨數傳至士英又數傳至必貴於咸豐六年苗
變禦賊陣亡無嗣遂廢

番龍土把總 清雍正六年鎮遠曹應雄從大軍征苗有功
授外委土把總管番龍稿午交洗八郎泉郎南萬翁笋等
寨應雄傳正學正學居傳至士鳳士鳳傳安國無嗣光緒
中停襲遂廢

烏漏土把總 清雍正九年施秉王德祖從大軍征苗有功
授外委土把總管巫滿正克排畧展戎巫柄等寨數傳至
世衍又數傳至勝祿咸豐六年苗變禦賊陣亡無嗣遂廢
龍塘土把總 清雍正九年鎮遠張士貴從大軍征苗有功
授外委土把總管龍塘水牛台盤交替錄廠南瓦格卷南
庄等寨數傳至應源無嗣道光六年停襲遂廢

容山王把總 清雍正九年台拱張士卿從大軍征苗有功
授外委王把總管容山平敬格色白王長光寨羊屯福仰
長灘南關岩寨偏寨新寨等處世卿傳朋舉朋舉傳勝宗
勝宗傳弟勝崇勝崇傳應泰應泰傳青峯咸豐六年苗變
禦賊陣亡光緒七年胞弟壹峯龔職無嗣光緒中年遂廢
趙梁王把總 清雍正十一年鎮遠梁成鑑從大軍征苗有
功授外委王把總管登傑交昆黃毛辰夏等寨數傳至隆
貴隆貴傳宗祿於咸豐六年禦賊陣亡光緒八年胞侄必
用龔職光緒中年停龔遂廢

白洪昔為生苗業火相傳漢武許候南征為其種結盡為九
人散蔓著行分為九區名九股昔近丹江者曰上九股近
施秉者曰下九股崇甯人稱土流性慈有節極張啟玉楊等

姓男子衣服與漢人同惟婦女面黑齒白服細褶長裙無袴
以青布蒙髻早垂大環項繫紫團衣短以色線線兩袖富者飾
以銀花工織斗短布各染男女皆跣足涉田墾勸耕植如

猿猴病不服藥尚鬼信巫文字鮮通刺木為信甚有得實曰
磔鯨殺狗解決爭端者以十月五日為歲首每十三年擇壯
牛倒反苗壯合他人之牛鬪於野鬪後延巫殺牛祀祖名曰

吃括魁男女多嗜酒宴客以牛角灌飲喪葬則殺牛以祭哭
盡哀過喪辰佳節童年男女聚於野吹笙唱歌名曰搖馬節視
白洪縣文獻紀要 六十九

所歡者傾媒以鴆酒或婦女承詔則以白帶繫媒均之腰白相親
姑之女定為舅媳倘舅無子必續嗣於舅前之外甥錢東北兩區苗
寨臨清水江開通較易風俗習高澁強華風俗土歸流多有誘誘明理

者而匿高坡一帶寒無重衣夜無臥具蛇地作爐蒸菜炙火食惟糲稻
臂手掬無匙筯間有食肉者無盤盃以三足釜灼毛鱗血攪而食之地多瘴疔
不宜衛生計東區五十八寨居民二千八百三十四戶南區六十四寨居民一千七

百七十三戶西區二十九寨居民八百五十四戶北區十五寨居民二千七百四
十七戶中區六十六寨居民一千九百八十九戶連縣城內四百九十四戶共二百
九十寨一萬零六百九十一戶東北中三區係漢苗雜處西南兩區則

純係苗寨苗民約十分之九占地面二百二十方里

